

# Tozongela Congo ya Lokumu !

## *Ba Ndeko bwa Bolingo,*

Makanisi nanga ezali ya ko komisa République démocratique ya Congo ekolo moko ya sika mpe ya makasi, wapi kimia, bomoko, bosembo mpe bofuluki eko zala. Mokumba nanga ezali ya kosala mosala makasi penza, ngonga ya kopema ekozala te, pamba te esengeli ko kokisa ndoto na biso banso. Esengeli kotia na misala emoniseli oyo ezali na moboko lokola, kolandela misala malamumu, kosala mosala kitoko, na pole, na botosi, na kokokisa ba posa ya bayike mpe na koyeba mokumba oyo tozali na yango. Maye manso nde eko tambola na biso.

Nazali ko kanisa ekolo moko, wapi moto nionso ako zala na makoki ya koloba, ekolo moko wapi moto na moto azali ko buka mbuma ya nkita na biso. Na yango, pona kokisa emoniseli yango, eko sengela ete mikano ya motuya ekamba misala na biso.

Ya liboso, ezali maye matali bokengi. Kimia mpe libiki kitoko ya bayike, yango nde ezali ya yambo pe ya motuya na oyo esengeli kosala. To sengeli ko kela masanga oyo eko tonga lobi na biso. Nazui mokano ya kobongisa mapinga na biso mpe kotia bopikiliki na mosala ya pulusu. Pe lisusu, nazali kolikia na ntombwa na nzela ya nkita pe boyokani moko ya malonga na bikolo mususu yango ekosunga makasi pona kozongisa kimia mpe stabilité na est ya ekolo, wapi bozangi bokengi ezali makasi. Na kopesa bokebi makasi penza na makambu oyo.

Kasi, pona komema lisungi na oyo etali ba investissement mpe kokolisa yango na lombango, nazali ko kanisa kosala manaka moko ya motuya pona misala botongi na ekolo nionso, manaka yango ekomema ntombwa biteni binso ya ekolo kobanda est, ouest, nord, sud pe eko tombola nkita ya ekolo. Kobongisa ba nzela mobembo, mpe kotonga ba ndako minene pona biteyelo ya ekolo, bokolongono bwa nzoto, toko sala mosala elongo pona ko kela makambu ya kitoko pona RDC moko etelema ngwui, oyo ezali kotambola mpe oyo ezali kotala penza lobi moko kitoko.

Eko sengela pe kobwaka miso na ngambu ya misala industrie, pona kobongisa misala ya industrie na ekolo, na kotia bwana pe mayele ya technologie na kati ya biteyelo ya bakolo mpe ba zones franchises pona ba industrie mpe na ba nzela ya ntombwa ya mpifo oyo ezali kotosa nzinga nzinga. Makoki ya industrie eko mema misala ebele mpe ekobongisa social ya bayimboka.

L'Etat, lokola mokeli asengeli kosala mosala pona bolamu ya ba congolais. Na yango ezali pe motuya makasi ko sala mbongwana na bandako ya misala minene ya l'Etat pona kotia bopikiliki. Na lisungi ya maye toyebi, na oyo etali bokambemi ya misala ya nkita, toko sala mosala makasi pona kovandisa politiki ya kobutisama ya mbongo ya dollars liboso ya mbongo ekolo to pe taux de change mpe kovandisa ntalo ya biloko na kati y'ekolo. Tokolandela misala malamumu penza na maye matali politiki ya nkita po ete to batela bokonzi oyo population ezalaka nango na tango ya kosomba, yango pe ezali moboko ya botomboli nkita, kasi pe ya boyokani mpe kimia na ekolo.

Na manaka ya misala na biso, moto nde azali motuya, ezali motuya penza kotia bayimboka na kati ya misala oyo tozali kosala pona ko bika na maye matali ntombwa, bolendisi malakisi, ntombwa ya makoki to pe ya bobongisi bokolongono bwa nzoto.

Pona ko sukisa, manaka ya libiki ya bayi mboka oyo nazali kotalisa, ezali na posa ya bokambemi moko ya kitoko mpe ya botosi ya bomengo ya ekolo. Na yebe makasi penza bomengo oyo ezali na se ya mabele na biso, mpe nabongisami pona kosala ete bomengo yango etombola ekolo, pe eko salema na botosi nzinga nzinga.

Eteni nionso ya mobembo oyo ezali komema biso na RDC moko makasi mpe oyo ezali kongenga, ezali kozwa lisungi ya emoniseli mpe makoki na biso. Bokasi nionso toko sala na mobembo oyo eko talisa ete tozali kotambola pona ko koma na lobi moko kitoko oyo tozali kolikia ete ba congolais nionso ba bika yango, kobanda na ekeke oyo tozali pe ba oyo bakoya.



*Mweleli ngwende ya bokonzi y'ekolo*

*Mweleli ngwende ya bokonzi y'ekolo*



Matata Ponyo Mapon



matataponyomapon.officiel